

<<四书五经（上下）>>

图书基本信息

书名：<<四书五经（上下）>>

13位ISBN编号：9787806652565

10位ISBN编号：7806652566

出版时间：2002-12

出版时间：岳麓书社

作者：陈戍国

页数：1637

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

<<四书五经（上下）>>

内容概要

“四书五经”者何？

书名也，四书与五经之合集也。

何谓四书？

《大学》、《中庸》、《论语》、《孟子》是也。

《大学》、《中庸》本属于《礼记》，与《论》、《孟》合而为《四书》，南宋朱熹之所定也。

五经者：《易》，一也；《书》，二也；《诗》，三也；《礼》，四也；《春秋》，五也。

“五经”之称，汉以来皆有之；五经之实，则不尽同也。

譬如《礼经》，《汉·志》本指十七篇；《礼记》者，本七十子后学者所记也。

凡名传、记，旨在释经，此题中应有之义也。

《礼记》而为经，早于唐人《五经正义》；而以《礼记》代《礼经》，则始于宋也。

“弃经任传，遗本宗末”，昔朱子之所讥也。

今仍之者，沿其全然，从旧俗也。

《礼经》最为难读，先读《礼记》，避难就易，或为青年士子计也。

既用《礼记》，则《大学》、《中庸》之重出无可避，亦不当避也。

四书有朱子章句、集注，五经各用宋元人注，此元、明及清中叶之惯例也。

今之点校本则注解一概不收，此即所谓白文本也。

书目答问有“古香斋袖珍五经四书”条，云：“康熙间内府刻。

无注。

”亦白文本也。

可读乎“？”

曰：可。

《汉·志》不云乎：“古之学者耕且养，三年而通一艺，存其大体，玩经文而已，是故用日少而畜德多，三十而五经立也。

”白文本者，“玩经文而已”也。

注疏固不可弃，世人实苦其烦；皓首穷经，本非社会所急需，亦非众人所自愿；然则“存其大体”可也。

况注疏不无牢笼之患，何可尽依也？

昔董遇谓“读书百遍，其义自见”，良有以也。

<<四书五经（上下）>>

书籍目录

四书五经点校本序四书 大学 中庸 论语 孟子五经 周易 尚书 诗经 风 邶风 鄘风 卫风 王风 郑风 齐风 魏风 唐风 秦风 陈风 桧风 曹风 豳风 小雅 鹿鸣之什 南有嘉鱼之什 鸿雁之什 节南山之什 谷风之什 甫田之什 鱼藻之什 大雅 文王之什 生民之什 荡之什 颂 周颂 礼记 春秋左传 春秋公羊传 春秋穀梁传后记

<<四书五经（上下）>>

章节摘录

孟秋行冬令，则阴气大胜，介虫败穀，戎兵乃来；行春令，则其国乃旱，阳气复还，五穀无实；行夏令，则国多火灾，寒热不节，民多疟疾。

仲秋之月，日在角，昏牵牛中，旦觜觿中。

其日庚辛。

其帝少皞，其神蓐收。

其虫毛。

其音商，律中南吕。

其数九。

其味辛，其臭腥。

其祀门，祭先肝。

盲风至，鸿雁来，玄鸟归，群鸟养羞。

天子居总章大庙；乘戎路，驾白骆，载白旗；衣白衣，服白玉；食麻与犬。

其器廉以深。

是月也：养衰老，授几杖，行糜粥饮食。

乃命司服，具飭衣裳，文绣有恒，制有小大，度有（长）短〔长〕。

衣服有量，必循其故。

冠带有常。

乃命有司申严百刑，斩杀必当，毋或枉桡；枉桡不当，反受其殃。

是月也：乃命宰祝循行牺牲，视全具；案刍豢，瞻肥瘠；察物色，必比类；量小大，视长短，皆中度。

五者备当，上帝其飨。

天子乃难，以达秋气；以犬尝麻，先荐寝庙。

是月也，可以筑城郭，建都邑，穿窦窖，修困仓。

乃命有司趣民收敛，务畜菜，多积聚。

乃劝种麦，毋或失时；其有失时，行罪无疑。

是月也：日夜分，雷〔乃〕始收（声），蛰虫坏户；杀气浸盛，阳气日衰，水始涸。

日夜分，则同度量，平权衡，正钧石，角斗甬。

是月也：易关市，来商旅，纳货贿，以便民事。

四方来集，远乡皆至，则财不匮，上无乏用，百事乃遂。

凡举大事，毋逆（大）〔天〕数，必顺其时，慎因其类。

仲秋行春令，则秋雨不降，草木生荣，国乃有恐；行夏令，则其国乃旱，蛰虫不藏，五穀复生；行冬令，则风灾数起，收雷先行，草木蚤死。

季秋之月，日在房，昏虚中，旦柳中。

其日庚辛。

其帝少皞，其神蓐收。

其虫毛。

其音商，律中无射。

其数九。

其味辛，其臭腥。

其祀门，祭先肝。

鸿雁来，宾爵入大水为蛤，鞠有黄华，豺乃祭兽戮禽。

天子居总章右个；乘戎路，驾白骆，载白旗；衣白衣，服白玉；食麻与犬。

其器廉以深。

是月也：申严号令，命百官贵贱无不务内，以会天地之藏，无有宣出；乃命冢宰：农事备收，举五谷之要，藏帝藉之收于神仓，祇敬必飭。

<<四书五经（上下）>>

是月也，霜始降，则百工休。

乃命有司曰：“寒气总至，民力不堪，其皆入室！”

”上丁，命乐正入学习吹。

是月也：大飨帝，尝，牺牲告备于天子。

合诸侯，制百县，为来岁受朔日与诸侯所税于民轻重之法、贡职之数，以远近土地所宜为度，以给郊庙之事，无有所私。

是月也：天子乃教于田猎，以习五戎，班马政；命仆及七驺咸驾，载旌旒，授车以级，整设于屏外。

司徒捂扑；北面〔以〕誓之。

天子乃厉饰，执弓挟矢以猎；命主祠祭禽于四方。

是月也：草木黄落，乃伐薪为炭。

蛰虫咸俯在〔内〕〔穴〕，皆墁其户。

乃趣狱刑，毋留有罪。

收禄秩之不当、供养之不宜者。

是月也，天子乃以犬尝稻，先荐寝庙。

季秋行夏令，则其国大水，冬藏殃败，民多眚疢；行冬令，则国多盗贼，边竟不宁，土地分裂；行春令，则暖风来至，民气解惰，师兴不居。

孟冬之月，日在尾，昏危中，旦七星中。

其日壬癸。

其帝颛顼，其神玄冥。

其虫介。

其音羽，律中应钟。

其数六。

其味咸，其臭朽。

其祀行，祭先肾。

水始冰，地始冻，雉入大水为蜃，虹藏不见。

天子居玄堂左个；乘玄路，驾铁骊，载玄旃；衣黑衣，服玄玉；食黍与彘。

其器鬲以奄。

是月也，以立冬。

先立冬三日，大史谒之天子曰：“某日立冬，盛德在水。”

”天子乃齐。

立冬之日，天子亲帅三公、九卿、大夫以迎冬于北郊；还反，赏死事，恤孤寡。

是月也：命大史衅龟策，占兆审卦，吉凶是察，阿党则罪，无有掩蔽。

……

<<四书五经（上下）>>

编辑推荐

中国古代有“四书五经”，几与耶教有圣经、伊教有古兰经相似。

如果说今日学子不知“四书五经”为何物，恐怕会是件难堪的事。

我们只要谈到中国传统文化，必然得提到“四书五经”。

“四书五经”虽然有不少封建落后的观念，但也是集中国古代思想于一体的鸿篇巨制，这一体系对中国历史产生过深远巨大的影响，时至今日，读《四书五经(上下)》，学习和挖掘“四书五经”中的一些思想，研读“四书五经”的丰富内容仍然是非常有意义的。

<<四书五经（上下）>>

版权说明

本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>